

Incwadi ethunyelwa amalungu e-Bhunga le Overstrand esesikweni

IMIQATHANGO YETHUTYANA UKUNCIPHISA IMPEMBELELO YECOVID-19 KWIMALI YABAHLOWULI BERHAFU

BONKE ABAHLAWULI BERHAFU abazibona besengxakini yemali ngenxa yobhubhane we-Covid-19 bayacetyiswa banike ingqwalasela kule miqathango yoncedo yethutyana ilandelayo njengoko ivunye liBhunga

1. UKWANDISWA KWETHUBA ELANGEZELELWEYO LEZIVUMELWANO ZENTLAWULO

Kumathuba apho amashishini nabaxhamli beenkonzo bamakhaya abasele bengene kwisivumelwano noMasipala wase-Overstrand sokuhlulwa ii-akhawunti zabo zikamasipala kwisithuba esandisiweyo, ezo zivumelwano zentlawulo zinakho ngoku ukwandiswa njengoko kucacisiwe apha ngasezantsi.

Amashishini:

IBhunga ligqibe okokuba isithuba esilungiselelwe amashishini azifumana ephantsi koxinzelelo lwezemali yaye engakwazi ukuhlulwa ii-akhawunti zawo ezifanelekileyo masandiswe kubandakanywa ii-akhawunti zikaJulayi 2020 kunye nezika-Agasti 2020. Amashishini anjalo aya kudingeka okokuba angene kwixesha elangezelelweyo lesivumelwano sentlawulo ngokwemiqathango yoMgaqo-nkqubo woLolongo loMxhamli weenkonzo, woLawulo lweTyala nokuQokelelwa kweTyala oya kuwawumela okokuba ahlawule izixa-mali ezingahlawulwanga ngeentlawulo ezilinganayo kwisithuba seenyanga ezintandathu engakhange ahlawule idipozithi.

Abaxhamli beenkonzo basemakhaya:

IBhunga ligqibe ekubeni isithuba sabaxhamli beenkonzo basekhaya abazifumana bephantsi koxinzelelo lwezemali yaye bengenakho ukuhlulwa ii-akhawunti zabo ezifanelekileyo masandiswe kubandakanywe nee-akhawunti zikaJulayi 2020 nezika-Agasti 2020. Abaxhamli abanjalo baya kudingeka okokuba bangene kwisivumelwano sentlawulo sexesha elangezelelweyo ngokwemiqathango yoMgaqo-nkqubo woLolongo loMxhamli weenkonzo, woLawulo lweTyala nokuQokelelwa kweTyala oya kubavumela okokuba ahlawule izixa-mali ezingahlawulwanga ngeentlawulo ezilinganayo kwisithuba seenyanga ezili-12 bengakhange ahlawule idipozithi.

2. AKUKHO MIRHUMO ERHAFISWAYO KWIZAZISO ZEE-AKHAWUNTI EZISEMVA NGENTLAWULO

Abasebenzisi bezambuku ngokunjalo nabaxhamli beenkonzo bamakhaya bayacetyiswa okokuba iBhunga ligqibe ekuncameni yonke imirhumo ephathelelene nolawulo ngokunjalo nezaziso ezibhekiselele kwii-akhawunti ezisemva ngentlawulo ngeenyanga kaJulayi 2020 no-Agasti 2020. Okubandakanyweyo kwezi zaziso zizaziso zeSMS, izaziso zeentsuku ezili-14 kunye nezaziso zeeyure ezingama-24 ezithunyelwa kubasebenzisi bezambuku.

3. USHENXO OLULUNGISELELWE ABANTU ABTHATHE UMHLALA-PHANTSI NABAKHUBAZEKILEYO ABANQWENELA UKWENZA ISICELO SESAPHULELO ESISODWA

Abantu abakuhlala-phantsi nabakhubazekileyo baselungelweni lokufumana izaphulelo ezizodwa kwimirhumo yepropati.

Ukuba selungelweni lwesaphulelo esinjalo, umenzi wesicelo kufuneka:

- Abe ngummi woMzantsi Afrika
- Abe ngumni obhalisiweyo wepropati ekuthethwa ngayo
- Ahlale kwipropati exelwayo njengendawo yakhe ephambili yokuhlala
- Angabi ngumni weepropati ezingaphezulu kweepropati enye
- Abe ubuncinane uneminyaka engama-60 ubudala okanye abe ufumana imali yokukhubazeka evela kuRhulumente
- Abe unengeniso yarhoqo ngenyanga engaphantsi komhlala-phantsi wentlalo oxhaswa ngemali ngurhulumente ngokuphindwe kasibhozo ngenyanga (okt. ngaphantsi kwe-R14 880)

Ukunika ithuba elingaphezulu kubahlawuli berhafu abaphumlelo nabakhubazekileyo lokufumana amaxwebhu ayimfuneko ayinxaso yezicelo zabo zesaphulelo esisodwa kwimirhumo yepropati, ngoku banethuba de kube ngumhlala wama-30 kuNovemba 2020 okokuba bangenise izicelo zabo kwi-Ofisi yeMirhumo noLawulo lweNkcukacha zamanani yase-Overstrand. Imibuzo ngokuphathelelene nako nakuphi na okungasentla inokuthunyelwa kwi-Ofisi yeMirhumo noLawulo lweNkcukacha zamanani kule nombolo 028 313 8000. Kungenjalo, bathumele i-imeyile kule dilesi enquiries@overstrand.gov.za. Khumbula ukuchaza inombolo ye-akhawunti yakho kamasipala, igama lakho nefani kunye nenombolo yoqhagamshelwano.

ENYE INDLELA IYA KUBA KUKUQHAGAMSHELANA NE-OFFISI KAMASIPALA EKUFUTSHANE NAWO:

- KLEINMOND: 33 5th Avenue, Kleinmond; Imfono-mfono: 028 271 8400
- HERMANUS: Magnolia Street, Hermanus; Imfono-mfono: 028 313 8000/8111
- STANFORD: 17 Queen Victoria Street, Stanford; Imfono-mfono: 028 384 8500
- GANSBAAI: Main Street, Gansbaai; Imfono-mfono: 028 384 8300

*Ilfomu zesicelo sesaphulelo ziyafumaneka ngokunjalo kwiwebhusayiti yase-Overstrand: www.overstrand.gov.za. Cofa kumaXwebhu > IFomu.

UKUNYUSWA KWESONDLO KULUNGISELELWA ABO BAZIBEKE BODWA OKANYE ABAVALELWEYO

Phakathi kuJulayi, iqela lolawulo lwentlekele yeCovid-19 lase-Overstrand lifumene isipho solwamkelo seebhokisi esele zipakishiwe ezili-120 ezizele qhu kukutya okungaboliyo ezifana nokutya okunkonxiweyo kunye neembotyi ngokunjalo nemifuno emitsha esongelwe kakuhle ukunceda ukulungiselela iimfuno zesondlo zabe bachaphazeleka ngqo yiCovid-19.

Lo mnikelo uvele ngentsebenziswano esiyibulelayo phakatho kweNedbank yaseHermanus kunye neVoëlklip OK MiniMark.

"Sinethemba lokokuba oku kutya kuya kubenza ubunzima buhle bokubekelwa bucala nokuchacha kwabo bahlali bavaalelweyo ngenxa yokufunyanwa benentsholongwane yeCovid-19 emva kohlolo okanye bathe bazibeka bodwa ngenxa yokuchanabeka kwintsholongwane," utshilo said Werner van der Merwe, umlawuli woshishino lokubhankisha waseNedbank eHermanus.

Ekwamkeleni kwakhe iibhokisi esele zipakishiwe, uLester Smith (uMlawuli oPhezulu: woMlilo noHlangulo, uLawulo lweNtlekele kunye neNkonzo zoKhuseleko) uphinde kwakhona wenza umbulelo wakhe obhekiselele kumntu ngamnye, umbutho neshishini abathe bangenelela ngokukhulekileyo ukudambisa ingxaki yabanye abantu kula maxesha anzima.

Usebenzise ngokunjalo eli thuba ukuqinisekisa ngento yokokuba ooceba bewodi bayancedisa kwiZiko loLawulo lweNtlekele lase-Overstrand ukuchoonga amakhaya asesichengeni anesingoko esibi seepasile zokutya ezifana nezi.



ABANIKEZELE NGESISA: (ngasemva ekhohlo-ekunene) Brian Lobb (OM Disaster Management), Lester Smith, Marinette Geldenhuys (Nedbank), Werner van der Merwe, Esmarie Joubert (Voëlklip OK MiniMark), Ricardo Solomon (OM Disaster Management), Sarolyn Coert (OM Disaster Management). In front are Enrico Solomons (OM Disaster Management), Smantha Maritz (Voëlklip OK MiniMark), Nadia Cloete (Voëlklip OK MiniMark) and Unica Booysen (OM Disaster Management).

OKUTSHA KWIMIMANDLA YERHAFU EYODWA:

- HSRA iyaqhubeka
- KSRA & OVSRA zimisiwe

Ngasekupheleni kukaJulayi 2020, iBhunga lamkele isicelo sokokuba ukumilisela koMmandla weRhafu oWodwa waseKleinmond (KSRA) kunye noMmandla weRhafu oWodwa wase-Onrus-Vermont (OVSRA) makumiswe isithuba esinganyaka omnye.

Zombini iKSRA zicamngca ngokuthenga nokufakela iikamera zeCCTV njengenqanaba loquqala, ngeli thuba iOVSRA icwangcisele ukumilisela inkonzo yonogada. Ngokuthambekela kwisimo esikhoyo, akukho nanye enakho ukumilisela de kube lelo xesha apho izithintelo zokuqalwa ngci zithe zayekwa ngokufanelekileyo.

Umpumela othe ngqo woku kurhoxiswa ngowokuba umrhumo wokuqala owangezelelweyo warhoqo ngenyanga ofanelekileyo kuzo zombini iKSRA ne-OVSRA uya kuhlululwa kuphela ngoku ukususela ngomhla woku-1 kuJulayi 2021. Ngoko, nangona kukho ulibaziseko kubandakanyo kunye nobhaliso lweHermanus Public Protection (HPP) njengequmrhu lolawulo loMmandla weRhafu oWodwa waseKleinmond (KSRA), umhla olindelekileyo womiliselo lwesicwangciso soshishino seeHPP kunye nokuqaliswa okulandelayo kweenkonzo ngu-Oktobha/Novemba walo nyaka.

UMthetho olungisiweyo oYilwayo woMasipala wase-Overstrand ongo-Cwangciso lokuSetyenziswa koMhlaba kaMasipala ngoku uyasetyenziswa Ikomiti kasodolophu yamkele oMthetho olungisiweyo oYilwayo kaMasipala wase-Overstrand ongoCwangciso lokuSetyenziswa koMhlaba kaMasipala ngokunjalo nokubandakanywa kwe-Overstrand Municipality's Land-use Scheme and Overlay Zones kulo mthetho oYilwayo kamasipala uxeliweyo ngomhla wama-24 kuJuni 2020. Qaphela, ngokunjalo, okokuba okulandela emva kokupapashwa kwalo mthetho uchazwe ngasentla kwiGazethi yePhondo yomhla wesi-7 ku-Agasti 2020, umthetho oYilwayo olungisiweyo uya kusebenza ngoko.

Iliphi zedijithali zoMthetho olungisiweyo oYilwayo kaMasipala wase-Overstrand ongoCwangciso lokuSetyenziswa koMhlaba kaMasipal, iSkimu sokuSetyenziswa koMhlaba kunye nee-Overlay Zones zifumaneka kwiwebhusayiti kamasipala esisikweni kule dilesi <https://www.overstrand.gov.za/en/documents/town-planning/by-laws/overstrand-municipality-amendment-by-law-on-municipal-land-use-planning-2020>.



I-Human Wildlife Solutions (HWS) iqeshelwe isithuba seminyaka emithathu elandelayo ukulawula inkqubo yeemfene kuloo mimandla ese-Overstrand echathazelwa lungquzulwano phakathi kwabantu neemfene.

I-HWS inobuchle obubodwa ekusombululeni ungquzulwano lwabantu nezilwanyana zasendle kwiziphelo zedolophu yaye isebenzise inguqu, amaqhinga ahlaseleyo kunye netheknoloji yakutsha nje ukulawula izilwanyana eziyingxaki ngenjongo zokugcina iinqubo ezisesikweni zolondolozo nokukhusela imfezeko yee-ikhosistim.

Ngokwakaloku nje, inkqubo yolawulo lweemfene ibandakanya ukusetyenziswa kwetheknoloji ngokusetyenziswa "kothango lwevetshuwal" kummandla we-Voëlklip nokuqeshwa konogada beemfene ukugcina umhlambi ungangeni ePringle Bay.

Ukubheka phambili:

Kuhlelo olungaphambili, iBhulethini inike ingxelo ngokubanzi ngempumelelo efunyenweyo ngokusetyenziswa "kothango lwevetshuwal" ukugcina imihlambi ezula-zula ezintabeni phezulu kweHermanus ingangeni edolophini. Njengoko kuchaziwe kwinqaku, injongo ephambili ngolu thango yeyokuba iimfene zibuyeke kwindawo yazo yendalo yokuhlala apho zidlala indima enkulu ekugcineni kwakhona ibhayodayvesiti nokugcina imfezeko ye-ikholoji yommandla.

Ngokuthambekela kule mpumelelo, olu thango luya kwandiswa ngoku ukulungiselela ukubandakanya imihlambi yaseVogelgat/Voëlklip/Hamilton-Russell naseOnrus ngasempuma ngenjongo yokumilisela, ekugqibeleni, ngokunjalo le theknoloji ukulawula imihlambi ngasentshona, okt. leyo isekleinmond/Betty's Bay/Pringle Bay naseHangklip. Apho imihlambi ilawulwa okokuqala, iqela lamagcisa lee-HWS liqala ngokubaka iliso kwimihlambi ululungiselela ukugcina ipatenti zohambo lwayo, iindawo zokulala kunye nemimandla yesondlo phambi kokucebisa ngendlela yokulawula komhlambi othile.

Ukufunwa kwengecibiso kumaqela anomdla nachaphazelekayo:

Ngexxa yeaimo esikhoyo sokulwa ngci, isivumelwano ngeendlela zokulawula kwemihlambi ngakumbi ngasentshona azikhange zibe nokufikelelwa njengoko ingcaciso ebicwangcisiwe kunye namathuba engxoxo engakhange abe nokugqibekela. Nangona kunjalo, uMasipala wase-Overstrand uqulunqe ngokwakaloku nje uluhlu lwamaqela anomdla nachaphazelekayo (I&APs) kwiidolophu ezichaphazelekayo yaye uya kuqhagamshelana ezi I&AP kwamsinyane ukulungiselela ukucwangcisa iintlanganisano "ezibanjwa ngamajelo onxibelelwano" ukulungiselela ukuxoxwa kwenkqubo yolawulo lweemfene yase-Overstrand/HWS nokwabelana ngengcaciso.

Ngethuba lokuya kupapasho, imihla yeentlanganisano ezibanjwa ngamajelo onxibelelwano ibingekaqakunjelwa. Ngeli thuba, ukuba ngaba nayiphi na imibuzo ephathelelene nenkqubo okanye ufuna ukuqinisekisa ngento yokokuba igama lakhe lukuluhlu lwee-I&AP, nceda uqhagamshelane nocebisa wakho wewodi:

- IWodi 3 - Kari Brice: kbrice@overstrand.gov.za / 083 650 4206
- IWodi 13 - Jean Orban: jorban@overstrand.gov.za / 072 955 2986
- IWodi 9 - Grant Cohen: gcohen@overstrand.gov.za / 072 436 9068
- IWodi 10 - Fanie Krige: fkrige@overstrand.gov.za / 082 773 7749



UMphathiswa weNtshona Koloni wokuHlaliswa kwaBantu, uTertuis Simmers, unikezele ngezitshixo kumntu wekhaya omtsha ozingcayo uChristine Gouw (67).

I-HAWSTON HEIGHTS**ICANDELO LESI-2 SELE****LIKUTSHANE EKUBENI LIGQITYWE**

Ngomhla wama-30 kuJulayi 2020, uMphathiswa weNtshona Koloni wokuHlaliswa kwaBantu, uTertuis Simmers, unikezele ngezitshixo kwiyunithi zokuqala zezindlu ezilishumi ezenza inxalenye yeCandelo lesi-2 leProjekti eHlangeneyo yoPhuhliso lweNdawo yokuHlala yaseHawston (IRDP).

Unikezele lwezindlu kulo phuhliso lwezigididi ezingama-R80.6 (olubizwa ngokuba yiHawston Heights) luya kwenziwangamacandelo. Iyunithi ezingama-63 zinikezelwe ngoDisemba kulo nyaka uphellelo njengaxalenye yeCandelo 1, kunye neCandelo 2 eliqukunqwe ziyunithi ezingama-39 ezingaphezulu zizonke. Ukuba ngaba zonke izinto zihamba ngokwezicwangciso, onke omathandathu amacandelo aya kuqakunjelwa ngoDisemba wama-2020. Ngaphezulu, umsebenzi oku-R43 nakwintlangano yomgaqo ekwiGeorge Viljoen Street uqhuba kakuhle.

Olu hlaziyo luya kuqinisekisa ngento yokokuba abaxhamli, kwakunye neentsapho zabo, baya kuba nelungelo lokungena nokuphuma kwiipropati zabo nakwezinye izibonelelo zoluntu ezifana neekhreshi, izikolo, iicawa kunye neevenkile, ezikweline icala lomgaqo oxakekileyo uR43.

Iindleko zohlaziyo ziqikelelwa kwizigididi ezili-R10.3 yaye zibandakanya iindlelana eziphawulweyo kumgaqo zokujika ngasekhohlo nangasekunene macala omabini, kwiirrobhothi, kwisiqithi sezithuthi kunye nendawo yokuwela yabahambi ngeenyawo. Uhlaziyo luxhaswa ngemali ngokuhlangeneyo nguMasipala wase-Overstrand kunye neSebe lokuHlaliswa kwaBantu leNtshona Koloni.

Umgqo ohlaziyiweyo uya kunceda ekuphuculeni ufikeleleko olulungiselelwe uphuhliso lwezindlu oluya kuthi ekugqibeleni luqalathe iziza ezingama-489 kubandakanywa iziza zezindlu zokuhlala ezilungiselelwe imarke yezindlu ezifikelelekayo ngokuhambelana neFinance Linked Individual Subsidy Programme (FLISP), izakhiwo zokuhlala ezingama-378 eziphantsi kwenkqubo yeBreaking New Ground (BNG), iziza ezibini zoshishino, iziza ezibini ezicandelelwe uluntu, izithuba zoluntu ezingena nto ezisithoba, iindlela nechibi lokugcina amanzi esikhukhula. Ezinye zezindlu zeBNG ziyakhiwa ukulungiselela ukuhlalisa abantu abakhubazekileyo.

Phambi kokunikezelwa kwezitshixo kubaxhamli, uMphathiswa Simmers wazise abanini abatsha bamakhaya okokuba banesithuba seenyanga ezintathu zesaziso zokunika ingxelo ngemiba ephathelelene nezindlu zabo. Emva kwangoko, baya kuba noxanduva lokulolonga nokulungisa amakhaya abo.

Ubakhumbuzile kananjalo okokuba abanini bamakhaya abavumelekanga ukuba baqeshise okanye bathengise ikhaya elinikezelwe ngurhulumente kangangesithuba seminyaka esibhozo; yaye alinakusetyenziselwa ushishino ngokunjalo. Uceba weWodi lesi-8, uSekela Sodolophu u-Elnora Gillion, kunye nnoCeba u-Arnne Africa, Lindile Ntsabo kunye noHannie Morgan babekhaphe umphathiswa kwesi sithuba.

**I-akhawunti yamanzi okanye eyombane ephezulu kunesiqhelo? Ikho inkcazelo elula.**

Khumbula into yokokuba phantsi kovalo ngci, ixesha elininzi lichithwe ekhaya nto leyo enokuba ngunobangela wokusetyenziswa kakhulu kwamanzi kunye nombane ngaphezu kwesiqhelo. Ngaphezulu, ukufundwa kwemitha yamanzi kuqinisekiswa ngamafoto athatyathweyo amanani emithi ukuqinisekisa okokuba amanani achanekileyo ayabonakaliswa kwi-akhawunti. Ngokuhambelana noMgaqo-nkqubo woLolongo loMxhamli weenkonzo, woLawulo lweTyala nokuQokelelwa kweTyala wase-Overstrand, ukuba ngaba inkonzo inemitha kodwa ingabinakho ukufundwa ngexxa yezithintelo zemali kunye/okanye ezabasebezi okanye imeko ezingaphaya kolawulo lukamasipala okanye i-arhente yakhe egunyazisiweyo, umxhamli wenkonzo unakho ukuhlawuliswa uqikelelo lwexabiso olusekwe kusetyenziso lwangaphambili.

Ngokuthambekela kwiimeko ezibhekisela kuvala ngci lwesizwe olubhengezwe phakathi kuMatshi, uninzi lwee-akhawunti zamanzi zibonisa uqikelelo kwinyanga ka-Epreli kuphela. Unxaxho apha lube seWestcliff kunye naseEastcliff apho uqikelelo lwexabiso lwasesetyenziswa kwinyanga ezimbini, ezizezi u-Epreli kunye noMeyi.

Nangona kunjalo, xa kusetyenziswa uqikelelo, umasipala unyanzelekile ukuba enze izilungiso nje kuqaliswe ukufundwa kwemitha ukulungiselela ukuba i-akhawunti yamanzi yomxhamli wenkonzo ibonise usetyenziso olululo lwamanzi. Ezi zilungiso zinokuba nomphumela mhlawumbi wolungelelwano lwemali eya kumxhamli okanye wetyala.

Ngokubonisa ngomzekelo, ugcine engqondweni into yokokuba inkqubo ye-akhawunti yase-Overstrand elungiselelwe usetyenziso lwamanzi isekwe kwiintsuku eziphakathi kokufundwa kwemitha - ngamanye amazwi, ukufundwa kwemitha kuthatyathwa malunga rhoqo neentsuku ezingama-30 - masikhe siqwalasele indlela yosetyenziso lwalo mxhamli uqikelelwayo ukuba lungabonakala njani kwinkqubo:

| UMHLA | UKUFUNDWA | USETYENZISO |
|------------|-----------------|--|
| 02/02/2020 | 1000 ukuya 1015 | 15 kℓ usetyenziso ngokufundwa okukuko |
| 02/03/2020 | 1015 ukuya 1027 | 12 kℓ usetyenziso ngokufundwa okukuko |
| 03/04/2020 | 1027 ukuya 1037 | 10 kℓ usetyenziso ngoqikelelo kwisithuba seentsuku ezingama-30 |
| 03/05/2020 | 1037 ukuya 1047 | 10 kℓ usetyenziso ngoqikelelo kwisithuba seentsuku ezingama-30 |
| 04/06/2020 | 1047 ukuya 1083 | 36 kℓ* ufundo olululo ukususela 02/03/2020 |

***Qaohela into yokokuba olu fundo kwakhona lumele iintsuku ezingama-30.**

Kwesi sithuba, usetyenziso oluqikelelweyo kunye nosetyenziso olululo ukususela kufundo olululo lokugqibela (i.e. 10 kℓ + 10 kℓ + 36 kℓ = 56kℓ) luhluwa ngeentsuku ezingama-90.

Ngokusekwe kolu balo, i-akhawunti yomxhamli wethu wenkonzo yamanzi oqikelelwayo iya kulungelelanisa ukulungiselela ukuba ibonakalise umndilili wosetyenziso lwe-2 x 18 kℓ kunye ne-1 x 19 kℓ kwisithuba seentsuku ezingama-90.

Qaphela okokuba imirhumo yokusetyenziswa kwamanzi isekwe kwisixhobo sokubala esingalinganiyo: Xa usetyenziso luphezulu, nomlinganiselo nawo uphezulu.

Ukuba ngaba urhanela ukuba ufundo lwamanzi akho aluchanekanga, nceda uthumele inombolo ye-akhawunti yakho kule dilesi enquiries@overstrand.gov.za ukulungiselela ukuba luphandwe.